



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1516641
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

24.05.2022թ.

Բ. Երևան
(կազմման վայրը)

Ակտի հասցեագրեր

Ֆիզիկական անձ Մխիթար Նորիկի Ավետիսյան

(անհատ ձեռնարկատիրոջ անունը, ազգանունը (անհատ ձեռնարկագրեր նշումով) կամ իրավաբանական անձի անվանումը)

**Արմավիրի մարզ, ք. Մեծամոր, 1 թաղ., 9 շ., 50 բն.
Անձն.՝ AS0570414, ՀԾՀ՝ 2104860563**

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 25.04.2022թ. թիվ 1516641 որոշման հիման վրա Ֆիզիկական անձ Մխիթար Ավետիսյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ վերջինս շուրջ երկու ամիս, Մեծամոր քաղաքի ՉԲ՝ հասցեի հարևանությամբ գտնվող քարե շինությունում, առանց պետական գրանցման և հարկային մարմնում հաշվառման, իրականացրել է հացի արտադրություն գործունեություն, որի արդյունքում ստացել է 300 000 ՀՀ դրամ ձեռնարկատիրական եկամուտ: Գործունեության ընթացքում Մխիթար Ավետիսյանը ունեցել է թվով 1 չգրանցված վարձու աշխատող՝ Կարինե Քյարամի Ասատրյան (հաշվառված՝ ք. Մեծամոր, 1 թաղ., 26 շ., բն. 404, անձն.՝ AN0660433):

Վերոգրյալը հաստատվել է Մխիթար Ավետիսյանի կողմից 26.04.2022թ. ներկայացված գրավոր հայտարարությամբ:

Թիվ 1516641 արձանագրությամբ 26.04.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 03.05.2022թ. նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝

1. ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով,

2. ՀՀ հարկային օրենսգրքի 412-րդ հոդվածի 1-ին մասով ըստ որի՝ աշխատողի աշխատանքի ընդունումը Հայաստանի Հանրապետության օրենսդրությամբ սահմանված կարգով գրավոր չձևակերպելու (այսինքն՝ աշխատանքի ընդունման մասին անհատական իրավական ակտի և գրավոր պայմանագրի բացակայության) և (կամ) նոր աշխատողի համար Օրենսգրքի 156-րդ հոդվածի 2-րդ մասով սահմանված դեպքերում և ժամկետում գրանցման հայտ չներկայացնելու փաստը հարկային մարմնի կողմից իրականացվող համալիր կամ թեմատիկ հարկային ստուգումների ընթացքում՝ Կառավարության սահմանած կարգով, իսկ ապօրինի գործունեություն իրականացնողների մոտ՝ օպերատիվ-հետախուզական միջոցառումների ընթացքում Կառավարության սահմանած կարգով արձանագրվելու դեպքում գործատուից (այդ թվում՝ ապօրինի գործունեություն իրականացնողներից կամ սահմանված կարգով հաշվառված և արտոնագիր ստացած՝ անհատ ձեռնարկատեր չհանդիսացող ֆիզիկական անձանցից) գանձվում է տուգանք յուրաքանչյուր չձևակերպված վարձու աշխատողի համար 250 000 դրամի չափով:

Տվյալ դեպքում Մխիթար Ավետիսյանի կողմից խախտումը վերջին 1 տարվա ընթացքում կատարվում է առաջին անգամ: Գործունեության ընթացքում ստացված եկամուտը կազմում է 300 000 ՀՀ դրամ, որի 50%-ը կազմում է 150 000 ՀՀ դրամ, այսինքն օրենսդրական պահանջից ելնելով Մխիթար Ավետիսյանի նկատմամբ կիրառելի է 200 000 ՀՀ դրամ տուգանք:

Տվյալ դեպքում ֆիզիկական անձ Մխիթար Ավետիսյանի մոտ աշխատել է օրենսդրությամբ սահմանված կարգով չձևակերպված վարձու 1 աշխատող, ինչի համար օրենսդրական պահանջից ելնելով, Մխիթար Ավետիսյանի նկատմամբ կիրառելի է 250 000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Մխիթար Ավետիսյանին գանձման առաջադրել 200 000 ՀՀ դրամի չափով տուգանք՝ որպես հարկային պարտավորություն, ինչպես նաև օրենսդրությամբ սահմանված կարգով չձևակերպված վարձու 1 աշխատողի մասով գանձման առաջադրել 250 000 դրամի չափով տուգանք համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված ընդամենը,	200 000	պետական բյուջե	900008000490
Հարկային օրենսգրքի 412-րդ հոդվածով սահմանված ընդամենը,	250 000	պետական բյուջե	900008000490
Ընդամենը վճարման ենթակա գումար	450 000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



Ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Մխիթար Ավետիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաբուկ առաքման դեպքում)

ստորագրությունը

'' ''

2022թ.

(նշում ակտը ստորագրելուց և (կամ) ստանալուց հրաժարվելու մասին)